

摘藻堂四庫全書薈要

子部

欽定四庫全書叢要

子部

御定書畫譜卷二十四



詳校官兵部主事臣雷純

欽定四庫全書薈要卷一萬一千三百五十六

子部

御定佩文齋書畫譜卷二十四

書家傳三



宋

劉穆之

劉穆之字道和小字道人東莞莒人也世居京口穆之與朱齡石並便尺牘嘗於武帝坐與齡石並荅書自旦至日中穆之得百函齡石得八十函而穆之應對無廢

裁有閒暇手自寫書尋覽篇章校定墳籍在晉至左僕射宋武又表天子贈侍中司徒封南昌縣侯宋受禪追封南康郡公謚文宣南史本傳

道和閒雅高蹤絕塵

述書賦

朱齡石

朱齡石字伯兒沛國沛人也封豐城侯爲雍州刺史南史本傳

朱齡石書品下之中庾肩吾書品

朱超石

朱超石齡石弟雖出自將家兄弟並閑尺牘除中書侍

郎封興平縣侯

南史本傳

王弘

王弘字休元琅邪臨沂人也珣子元嘉九年進位太保謚文昭弘人望所宗書翰儀體後人皆依放之

南史本傳

王曇首

王曇首太保弘之弟也幼有素尚兄弟分財曇首唯取

圖書而已文帝即位爲侍中遷太子詹事追封豫寧縣

侯謚曰文

南史本傳

曇首草字行筆痛快

宣和書譜

王微

王微字景玄弘弟光祿大夫孺之子也少好學善屬文

工書爲中書侍郎贈祕書監

南史本傳

徐羨之

徐羨之字宗文

蔡廓傳云小字干木

東海郟人也武帝即位封南

昌縣公揚州刺史

南史本傳

徐羨之書品下之下

庾肩吾書品

徐湛之

徐湛之字孝源遠之子也善尺牘文帝時爲尚書僕射

贈司空謚忠烈

南史本傳

傅隆

傅隆字伯祚北地靈州人也以太常致仕拜光祿大夫

在家不釋卷嘗手抄書籍

宋書本傳

王裕之

王裕之字敬弘廙之曾孫名與宋武帝諱同故以字行

官至開府儀同三司謚文貞

南史本傳

敬弘翰墨古而樸略注今見草書四行

述書賦

裴松之

裴松之字世期河東聞喜人也博覽墳集立身簡素上使注陳壽三國志後爲南琅邪太守致仕進大中大夫

南史本傳

世期參方回之章法得敬元之草意注今見章草書慰

勞文一卷 述書賦

宗少文

宗少文

宋書作宗炳字少文

南陽涅陽人也妙善琴書圖畫元嘉

中頗徵不應 南史本傳

宗炳放逸屈攝頗效康許量其直置孤梗是靈運之流
李嗣真書品後

宗炳出九體書所謂縑素書簡奏書牋表書弔記書行

狎書檄書藁書半草書全草書此九法極真草書之次第
庾元威論書

戴顓

戴顓字仲若譙郡鉅人也父逵兄勃並隱遯有高名父
善琴書顓並傳之世居郊下後出居吳元嘉中徵並不
就南史本傳

謝靈運

謝靈運

謝弘微傳云小字客兒

陳郡陽夏人襲封康樂公靈運詩

書皆兼獨絕每文竟手自寫之文帝稱爲二寶後爲永

嘉太守臨川內史

南史本傳

謝瞻與從叔琨族弟靈運俱有盛名嘗作喜霽詩靈運寫之琨詠之王弘以爲三絕

南史謝瞻傳

子敬上表多在中書雜事中靈運竊寫易其真本相與不疑元嘉初帝就索始進

王僧虔論書

謝靈運母劉氏子敬之甥故靈運能書而特多王法

虞

蘇論書表

靈運學王羲之真草俱造其妙草尤爲人所推

宣和書譜

謝方明

謝方明陳郡陽夏人宋武帝受命爲侍中丹陽尹轉會

稽太守

南史本傳

方明寬和隱媚注今見正書三行

述書賦

謝惠連

謝惠連方明子也年十歲能屬文族兄靈運加賞之元

嘉七年爲彭城王法曹行參軍

南史本傳

惠連書畫並妙歷代名畫記

謝綜

謝綜述子陳郡陽夏人綜有才藝善隸書爲太子中舍人南史謝述傳

謝綜書其舅

范曄

云緊潔生起實爲得賞至不重羊欣欣

亦憚之書法有力恨少媚好王僧虔論書

羊欣

羊欣字敬元泰山南城人也少靖默美言笑善容止泛

覽經籍尤長隸書年十二王獻之甚知愛之欣嘗夏月
著新絹裯書寢獻之書裯數幅而去欣書本工因此彌
善會稽王世子元顯令書扇常不奉命除中散大夫素
好黃老常手自書章

南史本傳

欣書見重一時行書尤善正乃不稱名

王僧虔論書

敬元師資大令親承妙旨時人云買王得羊不失所望

書斷

欣嘗撰續筆陣圖一卷又撰古今能書人名一卷

宣和

書譜

孔琳之

孔琳之字彥琳會稽山陰人也少好文義解音律能彈
碁妙善草隸宋永初中爲祠部尚書贈太常南史本傳

琳之書天然放縱極有筆力齊書王僧虔傳

琳之善草行師於小王稍露筋骨書斷

蕭思話

蕭思話南蘭陵人宋孝懿皇后弟子也工隸書善彈琴

後拜郢州刺史贈征西將軍開府儀同三司謚曰穆侯
南史本傳

思話書羊欣之影風流媚好殆當不減筆力恨弱
王僧虔傳

思話學於羊欣得其體法行草勢不斷絕上方琳之不
足下方范曄有餘書斷

范曄

范曄字蔚宗小字博泰第四子順陽人也少好學善爲

文章能隸書曉音律累遷左衛將軍太子詹事及入獄
上有白團扇甚佳送暉令書出詩賦美句暉受旨援筆
而書曰去白日之炤炤襲長夜之悠悠上循覽悽然暉
自序云吾書雖小小有意筆勢不快餘竟不成就每愧
此名

南史本傳

暉與思話同師羊欣後小畔失故步

王僧虔論書

蔚宗工於草隸小篆尤精

書斷

羊真孔草蕭行范篆各一時絕妙

袁昂書評

薄紹之

薄紹之字敬叔

書史會要作欽叙

丹陽人官至給事中善書憲

章小王風格秀異行草倜儻時越羊欣

書斷

丘道護

丘道護烏程人也善隸書便書素時司馬珣之爲吳興
羊欣弟倫爲臨安令欣過吳興看弟珣之乃以道護素
書洛陽賦示欣欣咨嗟其工以爲勝已官至相國主簿

書斷

丘道護與羊欣俱面受子敬故當在欣後

齊書王僧虔傳

賀道力

賀道力會稽山陰人善三禮有盛名仕宋爲尚書三公

郎建康令

南史賀瑒傳

道力書亞丘道護

齊書王僧虔傳

道力草雄圓轉不窮注今見章草二紙

述書賦

顏騰之

顏騰之字弘道巴陵太守度支校尉善草隸書有風格

顏真卿家廟碑

顏騰之賀道力並善尺牘少行於代

梁武帝草書評

顏炳之

顏炳之字叔豹騰之子輔國江夏王參軍以能書稱

顏

真卿家廟碑

張裕

張裕字茂度吳郡吳人也名與宋武帝諱同故以字行

曾祖澄祖彭祖元嘉十八年除會稽太守謚恭子

南史

本傳

張茂度今見行草書十行

述書賦注

張永

張永字景雲

述書賦作景初

茂度第三子永涉獵書史能爲文

章善隸書騎射雜藝觸類兼善又有巧思爲文帝所知
紙墨皆自營造上每得永表啓輒執玩咨嗟自歎供御
者了不及也元徽二年爲征北將軍南兗州刺史

南史

本傳

謝晦

謝晦字宣明陳郡陽夏人晉太常裒之玄孫也晦美風姿善言笑涉獵文義博瞻多通時人以方楊德祖荊州刺史封建平郡公南史本傳

謝晦善書書史會要

謝莊

謝莊字希逸弘微子也七歲能屬文及長韶令美容儀明帝時加金紫光祿大夫中書令散騎常侍謚憲子南

史本傳

賀方回云謝莊詞翰傳自高祖廣平王聞得於南唐字
畫遒勁勢若飛動董其昌戲鴻堂帖

顏延之

顏延之字延年琅邪臨沂人也少孤貧好讀書文章冠
絕當時孝武登阼爲金紫光祿大夫贈特進謚憲子南
史本傳

延之善草書

書斷

顏竣

顏竣字士遜延之之長子也琅邪臨沂人大明元年爲

東揚州刺史

南史本傳

士遜墨妙大令典則中散氣調

述書賦

孟覲

孟覲字彥重平昌安丘人衛將軍昶弟也昶覲並美風姿時人謂之雙珠歷左光祿大夫終會稽太守

南史謝

靈運傳

孟光祿書如崩崖人見可畏袁昂書評

張暢

張暢字少微吳郡吳人也孝建二年出為會稽太守謚

曰宣

南史本傳

張暢工書

書史會要

陶隆

陶隆

弘景祖

丹陽秣陵人也好學讀書善寫行參征南中

郎軍事從孝武有功封晉安侯後監新會郡大明五年

卒 華陽隱居錄

陶貞寶

南史陶弘景傳無寶字

陶貞寶字國重

弘景父

孝昌相

南史作令

善葉隸書家貧以寫經

為業一紙直價四十書體以羊欣蕭思話為法

華陽隱居錄

江僧安

江僧安夷之弟濟陽考城人

述書賦注作陳留人

宋太子中庶子

子智深

南史江智深傳

江侯僧安健利輕媚注今見行書一紙八行

述書賦

垣護之

垣護之字彥宗略陽垣道人也大明中爲豫州刺史謚

壯侯南史本傳

垣公護之神凝筆遲注今見行書一紙四行

述書賦

徐爰

徐爰字長玉南琅邪開陽人也本名瑗爲濟南太守除

中散大夫南史本傳

長玉神閑態穠荷小王之偉質錯明帝之高蹤述書賦

徐希秀

徐希秀爰子甚有學解亦閑篆隸正覺禪靈二寺碑即

希秀書也位驍騎將軍淮南太守南史徐爰傳

希秀正則謹促有度草則拘檢靡伸述書賦

巢尚之

巢尚之

述書賦注
字仲遠

魯郡人元嘉中侍始興王濬讀書涉

獵文史爲上所知名帝初累遷黃門侍郎出爲新安太

守南史戴法興傳

仲遠企彥琳之牆仞遵茂度張裕之軌躅注今見行書七

行述書賦

孫奉伯

孫奉伯宋明帝時人淮南太守詔與巢尚之徐希秀料簡二

王書評其品第虞龢論書表

奉伯書品下之上論曰動成楷則殆逼前良庾肩吾書品

虞龢

虞龢書史會要云宋東觀餘中書侍郎上明皇帝表論

古今妙蹟正行草楷紙色標軸真僞卷數無不畢備表
本行於世真蹟故起居舍人李造得之

述書賦注

虞蘇法書目錄六卷

唐書藝文志

戴延壽

戴延壽會稽山陰人也家貧父碩子以販絲爲業三兒
並修立延壽善書法興好學

南史戴法興傳

王道迄

王道迄

道隆兄

吳興烏程人涉學善書形貌又美吳興太

守王韶之謂人曰有子弟如王道迄無所少始興王濬
以爲世子師以書補中書令史

宋書王道隆傳

王道隆

王道隆亦知書爲主書書史漸至主書廢帝即位遷右
軍將軍贈益州刺史

宋書本傳

褚欣遠

褚欣遠錢唐人善模書宋文帝云天下有五絕而皆出
錢唐謂杜道鞠彈碁范悅詩欣遠模書褚曄圍碁徐道

度療疾也南史張融傳

王愔

王愔魏平北將軍乂之子善草書

書史會要

王思玄

王思玄琅邪人宋南康太守今見行書三行

述書賦注

思玄穩厚而無法度淳和而蓄鋒芒

述書賦

駱簡

駱簡字正祖丹陽人宋鉅野令今見行書五行

述書賦注

正祖師資小王深入閫域述書賦

龐秀之

龐秀之宋江州刺史今見正書一紙述書賦注

秀之書宗二王書史會要

王藻

韋續九品書人論作王藻之

王藻琅邪臨沂人官至東陽太守工行草書史會要

史稜

史稜宋人行隸品中之上韋續九品書人論

羊詒

羊詒宋人草書韻會

山屑

未詳時代韋續附
元嘉末今從之

山屑河東人作花書

墨藪

孔琳之妻

孔琳之妻謝氏亦善書

書斷

齊

王僧虔

王僧虔琅邪臨沂人也善隸書宋文帝見其書素扇歎

曰非唯迹逾子敬方當器雅過之孝武擅書名僧虔大

明世嘗用掘

一作拙

筆書泰始中出爲吳興太守王獻之善

書爲吳興郡僧虔工書又爲郡論者稱之齊太祖善書

與僧虔賭書畢曰誰爲第一僧虔曰臣書第一陛下亦

第一上笑曰卿可謂善自爲謀矣

南史云帝問我書何如卿荅曰臣正書第

一草書第二陛下草書第二而正書第三臣無第三陛下無第一帝大笑曰卿善爲辭

示僧虔古

蹟十一表就求能書人名僧虔得民間所有表中所無

者十二卷奏之又上羊欣所撰能書人名一卷世祖即位遷侍中左光祿大夫開府儀同三司贈司空謚簡穆著書賦傳於世

齊書本傳

昇明二年僧虔為尚書令嘗為飛白書題尚書省壁當時以比座右銘

南史

僧虔嘗自書讓尚書令表辭制既雅筆迹又麗時人以此王子敬

同上

虎爪書王僧虔擬龍爪所作也

墨戲

王慈

王慈字伯寶僧虔子少與從弟儉共書學謝鳳子超宗
詣慈慈正學書未即放筆超宗曰卿書何如虔公慈曰
慈書比大人如雞之比鳳超宗狼狽而退為東海太守

贈太常諡懿

南史本傳

慈亦善隸書

書斷

王儉

王儉字仲寶生而僧綽遇害為叔父僧虔所養幼篤學

手不釋卷賓客或相稱美僧虔曰我不患此兒無名政
恐名太盛耳乃手書崔子玉座右銘以貽之永明中開
府儀同三司改領中書監贈太尉謚文憲儉寡嗜慾惟
以經國為務手筆典裁為當時所重

南史本傳

神功元年鳳閣侍郎王方慶進遺蹟一卷中有六代祖
仲寶書

唐朝叙書錄

王僧祐

王僧祐字肩宗幼聰悟雅為從兄儉所重工草隸善鼓

琴不交當世自天子至於侯伯未嘗與一人遊終於黃

門郎

南史本傳

王晏

王晏字休默一字士彥弘之之孫也齊武帝板為記室軍旅書翰皆見委建武中領太子少傅進爵曲江縣公

南史本傳

王融

王融字元長琅邪臨沂人母謝惠宣女教融書學竟陵王子良板融寧朔將軍軍主特相友好齊書本傳

王融圖古今雜體有六十四書

庾元威論書

劉禹錫三癖詩序云柳吳興亭臯隴首之句王融書之

白團扇

唐詩紀事

褚淵

褚淵字彥回河南陽翟人武帝時授司空侍中錄尚書

事謚文簡

齊書本傳

彥回無節筆翰決利注今見草書二紙

述書賦

褚貴

褚賁字蔚先彥回長子齊武帝以爲侍中左部尚書南
史本傳

褚賁今見正書啓八行 述書賦注

蔚先書法和雅書史會要

徐孝嗣

徐孝嗣字始昌小字遺奴東海郟人湛之之孫也封枝

江縣公位司空贈太尉諡文忠 齊書本傳

始昌筆精源長注今見正書啓二紙 述書賦

到撫

一作劉
撫誤

到撫字茂謙彭城武原人也襲爵建昌公宋明帝時爲
太子洗馬才調流瞻善納交遊永明中遷五兵尚書齊
書本傳

茂謙壯而不密注今見行書兩紙述書賦

顧寶先

書品名畫記
皆作寶光

顧寶先吳郡吳人琛次子大明中爲尚書水部郎南史顧
琛傳

述書賦注云齊
司徒左西掾

寶光善書畫

歷代名畫記

吳郡顧寶先卓越多奇自以伎能僧虔乃作飛白以示之寶先曰下官今爲飛白屈矣

南史王僧虔傳

胡諧之

一作楷誤

胡諧之豫章南昌人也世祖初爲別駕爵關內侯永明十年轉度支尚書贈右將軍豫州刺史謚曰肅

齊書本傳

寶光諧之同調合韻骨氣胡壯精神顧峻

述書賦

張融

張融字思光，暢子，吳郡吳人也。善草書，常自美其能。齊高帝曰：「卿書殊有骨力，但恨無二王法。」答曰：「非恨臣無二王法，亦恨二王無臣法。」爲司徒左長史。南史本傳

草書以張融、王僧虔爲則，體用得法，意氣有餘。庾元威

論書

融書兼衆體於草，尤工齊梁之際，殆無以過。或見其有古風，多誤寶之，以爲張伯英書。書斷

蕭惠基

蕭惠基思話子南蘭陵人善隸書及弈棋解音律官太常贈金紫光祿大夫

南史本傳

劉休

書斷誤作張休

劉休字弘明沛郡相人也休多藝能

書斷云善隸書

齊建元四

年為豫章內史羊欣重王子敬正隸書世共宗之右軍之體微輕反不復見貴及休始好右軍法因此大行云

南史本傳

紀僧真

紀僧真丹陽建康人也事齊高帝以閑書題令答遠近
書疏帝令僧真學上手迹下名上觀之笑曰我亦不能
別也封新陽縣男後爲廬陵內史

南史本傳

紀僧猛

紀僧猛僧真弟爲鎮蠻護軍晉熙太守兄弟皆有風姿
舉止並善隸書僧猛又能飛白書作飛白賦

南史紀僧真傳

劉係宗

劉係宗丹陽人也少便書畫齊高帝使寫諸處分敕令

及四方書疏使主書十人書吏二十人配之事皆稱旨
永明中魏使書常令係宗題荅祕書局皆隸之鬱林郎
位除寧朔將軍宣城太守

南史本傳

謝朓

謝朓字玄暉陳郡陽夏人也隆昌中爲尚書吏部郎善
草隸長五言詩好獎人才會稽孔顗粗有才筆未爲時
知孔珪常令草讓表以示朓朓嗟吟良久手自折簡寫
之

南史本傳

慶厯中在金陵有農人以方石鎮肉視之若有鐫刻取石洗濯乃海陵墓謝朓撰并書字畫如鍾繇

沈括夢溪

筆談

周顒

周顒字彥倫顒七世孫汝南安成人少從外氏車騎將軍臧質家得衛恒散隸書法學之甚工文惠太子使顒書玄圃茅齋壁國子祭酒何胤以倒薤書求就顒換之顒笑荅曰天下有道丘不與易也轉國子博士

南史本傳

周顥行草品中之下韋續九品書人論

張欣泰

張欣泰字義亨竟陵人也不以武業自居好隸書讀子

史東昏以爲雍州刺史南史本傳

張欣泰書品下之下庾肩吾書品

崔偃

崔偃清河東武城人也博涉書記善蟲篆和帝以爲寧

朔將軍南史崔慧景傳

劉繪

劉繪字士章彭城人聰警有文義善隸書高帝以爲錄事典筆翰爲大司馬從事中郎繪撰能書人名自云善

飛白

齊書本傳

劉繪書範近來少前庾肩吾書品

劉瑱

劉瑱字士溫繪弟也少有行業文藻篆隸丹青並爲當

世所稱仕齊爲義興太守

南史本傳

宗測

宗測字敬徵南陽人

見畫家傳

宋徵士炳孫也

南齊書本傳

測性善書畫傳其祖業

歷代名畫記

沈麟士

沈麟士字雲禎吳興武康人也元嘉末文帝令何尚之

抄撰五經訪舉學士縣以麟士應選少時歸鄉徵並不

就遭火燒書數千卷麟士年過八十抄寫火下細書復

成二三千卷滿數十篋時人以爲養身靜默所致

南齊

書本傳

徐伯珍

徐伯珍字文楚東陽太末人也少孤貧學書無紙常以

竹葉箬葉甘蔗及地上

金壺記云以釘畫地

學書禮辟不就建武

四年卒

南史本傳

兒珪之

一作兒珪

兒珪之

齊末東昏侯時人

南齊桐柏山金庭觀碑永元三年沈

約撰兒珪之正書

金石略

張大隱

一作士隱

張大隱書品下之上評云張益州參小令之體李嗣真

書後品

士隱行草品下之下韋續九品書人論

蘭靜文

一作蘭靜

蘭靜文書品下之上評云蘭生正書甚爲鮮緊殊有規

則李嗣真書後品

蘭靜行草品下之下韋續九品書人論

庾景休

庾景休書品下之中 庾肩吾書品

褚元明

褚元明書品下之中 庾肩吾書品

陸彥遠

陸彥遠齊人行草品中之下 韋續九品書人論

韓蘭英

韓蘭英吳郡人有文辭宋孝武時獻中興賦被賞入宮

宋明帝時用以爲宮中職僚及武帝以爲博士教六宮書學以其年老多識呼爲韓公云

南史齊武穆裴后傳

梁

沈約

沈約字休文吳興武康人也篤志好學博通羣籍齊惠文太子居東宮約管書記直永壽省校四部圖書梁受禪封建昌縣侯尋加特進遷中軍將軍丹陽尹謚曰隱

南史本傳

約作草字亦工下筆超絕宣和書譜

江淹

江淹字文通濟陽考城人也梁光祿大夫封醴泉侯謚

曰憲南史本傳

江淹墨妙筆精金壺記

任昉

任昉字彥昇樂安博昌人也小名阿堆梁武帝以爲記
室參軍專主文翰尋轉祕書監自齊永元以來祕閣四

部篇卷紛雜昉手自讐校由是第目定焉出爲新安太守追贈太常謚曰敬子

南史本傳

彥昇體雜閑利牽掣任懷

述書賦

徐勉

徐勉字修仁東海郟人也天監六年遷吏部尚書勉旣閑尺牘兼善辭令雖文案堆積坐客充滿應對如流手不停筆授特進光祿大夫侍中中衛軍贈開府儀同三

司謚簡肅

南史本傳

到沆

到沆字茂濯彥之之孫彭城武原人幼聰敏五歲時父
撫於屏風抄古詩沆請教讀一遍便能諷誦及長善屬
文工篆隸美風神任昉范雲皆與善終於北中郎諮議
參軍

南史本傳

陸杲

陸杲字明霞吳郡吳人也少好學工書舅張融有高名
杲風韻舉止頗類時稱曰無對日下唯舅與甥後爲光

祿大夫謚質子 南史本傳

陸倕

陸倕字佐公，慧曉。子吳郡吳人也。少勤學，善屬文，所讀一遍必誦於口。嘗借人漢書，失五行志四卷，乃暗寫還之，略無遺脫。累遷太常卿。 南史本傳

陸倕行草品下之中 韋續九品書人論

蕭子雲

蕭子雲字景喬，齊豫章文獻王疑之子也。善草隸，爲時

楷法自云善效鍾元常王逸少而微變字體其書迹雅
爲武帝所重帝嘗論書曰筆力勁駿心手相應巧逾杜
度美過崔寔當與元常並驅爭先其見賞如此出爲東
陽太守百濟國使人至建鄴求書逢子雲爲郡維舟將
發使人於渚次候之望船三十許步行拜行前子雲遣
問之荅曰侍中尺牘之美遠流海外今日所求唯在名
迹子雲乃爲停舟三日書三十紙與之獲金貨數百萬
性吝自外荅餉不書好紙好事者重加賂遺以要酬荅

太清元年復爲侍中國子祭酒南史本傳

梁武帝大通元年於蔣山埋一鼎文曰大通真書又鑄

一鼎書老子五千言沉之九江中並蕭子雲書

虞荔鼎

錄

子雲善草行小篆諸體兼備而叔造小篆飛白

武帝言王獻之

白而不飛卿書飛而不白可斟酌爲之子雲乃以篆文爲之雅合帝意

意趣飄然

書斷

壁書蕭字子雲飛白圜卷側掠體法備焉歐陽率更云

蕭侍中飛白輕濃得中如蟬翼掩素

唐崔備壁書飛白

蕭字記

子雲書筆蹟健瘦繁絲索鐵昔傳子雲作筆而心用胎

髮

江寧府志云南朝有姥善作筆蕭子雲常用之筆心用胎髮

故纖細不失

廣川書跋

蕭子雲五十二體書一卷

唐書藝文志

蕭特

蕭特字世達子雲子亦善草隸時人比之衛恒衛瓘武帝常使特書及奏帝曰子敬之迹不及逸少蕭特之書

遂逼於父位太子舍人海鹽令

南史蕭子雲傳

簡文帝撰特墓誌云銀鈎之巧重世適雋况此臨池蟬

輕露潤

梁簡文帝集

陶弘景

陶弘景字通明丹陽秣陵人也幼有異操年四五歲恒

以荻為筆畫灰中學書

陶翊撰隱居本起錄云今猶有先生六歲時書已方幅成就

及長讀書萬餘卷善琴棋工草隸

本起錄云隸書不類常式別作一家骨體

道媚李渤撰傳云賤疏精麗為時所重

齊永明十年辭祿止句曲山

本起錄云

始往茅山便得楊許手書真蹟又到諸處名山並得真人遺蹟十餘卷黃伯思云其在華陽得楊許三真君真

蹟最多而學之故蕭遠澹雅若其爲人

自號華陽陶隱居人間書札即以

隱居代名梁武早與之遊即位後書問不絕大事諮詢

時人謂爲山中宰相贈大中大夫謚貞白先生

南史本傳

弘景書師鍾王采其氣骨時稱與蕭子雲阮研等各得

右軍一體其真書勁利歐虞徃徃不如隸行入能

書斷

隱居書自奇世傳畫版帖及焦山下瘞鶴銘

銘云華陽真逸撰上

皇山皆其遺迹

東觀餘論

阮研

阮研字文幾陳留人官至交州刺史善書行草出於大
王甚精熟時稱蕭陶等各得右軍一體而研筋力最優
其隸則習鍾公書斷

阮研居今觀古盡窺衆妙之門雖復師王祖鍾終成別
構一體庾肩吾書品

傅昭

傅昭字茂遠北地靈州人普通五年為散騎常侍金紫
光祿大夫昭終日端居以書記為樂雖老不衰博極古

今無所遺失世稱為學府謚曰貞南史本傳

茂遠捷銳足以自給述書賦

傅昭撰書法品目述書賦注

江禧

江禧字彥標述書賦作彥淵濟陽考城人也幼聰警讀書過口

便誦天監中遷光祿大夫謚肅南史本傳

彥淵氣懦任力注今見行書一紙述書賦

江祿

江祿字彥遐，舊之弟，幼篤學，有文章，工書，善琴。後為唐侯相。

南史本傳

袁峻

袁峻字孝高，陳郡陽夏人。早孤，篤志好學。家貧無書，每從人假借，必皆抄寫，自課日五十紙，紙數不登則不止。梁武帝時，除員外郎、散騎侍郎、直文德學士，省抄史記、漢書各為二十卷。

南史本傳

劉孝綽

劉孝綽字孝綽本名冉小字阿士繪子彭城人也幼聰敏七歲能屬文兼善草隸自以書似父乃變為別體後為祕書監

南史本傳

王僧孺

王僧孺字僧孺東海郟人也魏衛將軍肅八世孫幼聰慧家貧嘗傭書以養母寫畢諷誦亦了工屬文善楷隸轉北中郎諮議參軍

南史本傳

王籍

王籍字文海僧祐之子好學有才氣為詩慕謝靈運後
為作唐侯相籍又甚工草書筆勢道放蓋孔琳之流亞
也

南史本傳

王志

王志字次道琅邪臨沂人祖曇首父僧虔慈之弟也天監
九年為散騎常侍金紫光祿大夫志善篆隸當時以為楷
法齊遊擊將軍徐希秀亦號能書常謂志為書聖

梁書本傳

王彬

王彬字思文僧虔子也好文章習篆隸與志齊名時人
為之語曰三真六草為天下寶梁天監中歷吏部尚書

祕書監

南史本傳

王騫

王騫字思寂本字玄成曇首曾孫騫梁武時為度支尚
書給事中贈金紫光祿大夫謚曰安

南史本傳

神功元年鳳閣侍郎王方慶進遺蹟一卷有五代祖騫

書

唐朝叙書錄

王泰

王泰字仲通慈之子也少好學手所抄寫二千餘卷梁天監元年為祕書丞自齊永元之末後宮火延燒祕書書圖散亂殆盡泰表校定繕寫高祖從之為吏部尚書謚夷

梁書本傳

王筠

王筠字元禮一字德柔僧虔之孫也七歲能屬文沈約於郊居宅閣齋請筠為草木十詠書之壁簡文即位為

太子詹事其自序云余少好抄書老而彌篤雖遇見瞥
觀皆即疏記習與性成不覺筆倦幼年讀五經愛左氏
春秋凡三過五抄餘經及周官儀禮國語爾雅山海經
本草並再抄未嘗倩人假手並躬自抄錄大小百餘卷
南史本傳

筠尤工行書今御府藏行書至節帖

宣和書譜

王規

王規字威明騫子襲封南昌侯後為太子中庶子領步

兵校尉贈光祿大夫謚曰文

南史本傳

王方慶進遺蹟一卷有高祖規書

唐朝叙書錄

柳惲

柳惲字文暢世隆子河東解人也少有志行好學善尺

牘再為吳興太守

南史本傳

柳惲書縱橫廓落大意不凡而德體未備

梁武帝評書

紀少瑜

紀少瑜字幼瑒丹陽秣陵人也本姓吳養於紀氏因而

命族嘗夢陸倕以一束青鏤管筆授之云我以此筆猶可用卿自擇其善者其文因此適進少瑜美容貌工藁草到溉曰此人有大才而無貴仕後除武陵王記室參軍南史本傳

朱异

朱异字彥和吳郡錢唐人也居貧以傭書自業寫畢便誦涉獵文史兼通雜藝博奕書算皆其所長沈約戲曰卿年少何乃不廉天下唯有文義棋書卿一時將去太

清二年為中領軍贈尚書右僕射

南史本傳

彥和迅不可及注今見草書一紙

述書賦

徐僧權

徐僧權東海人也梁東宮通事舍人領祕書以善書知

名

南史徐伯陽傳

庾黔婁

庾黔婁字子貞一字貞正易之子新野人少好學多所

講誦梁散騎侍郎

南史本傳

黔婁書品下之上 庾肩吾書品

庾肩吾

庾肩吾字慎之八歲能賦詩初為晉安王國常侍王命
肩吾等十人抄撰衆籍豐其果饌號高齋學士歷江州
刺史封武康縣侯贈中書令

南史本傳

肩吾書品論云余自少迄長留心茲藝敏手謝於臨池
銳意同於削板

法書要錄

肩吾才華既秀草隸兼善累紀專精徧探名法嘗作書

品亦有佳致

書斷

殷鈞

殷鈞字秀和陳郡長平人仲堪五世孫也好學有思理
善隸書為當時楷法梁武帝時歷祕書丞啓校定祕閣
四部書又受詔料檢西省法書古迹列為品目後為國
子祭酒謚貞

南史本傳

殷鐵石

殷鐵石梁大同中武帝勅周興嗣撰千字文使鐵石模

次羲之之迹

一云武帝令殷鐵石於大王書中搨一千字不重者名周興嗣韻之宋史李至傳

云武帝得鍾繇書破碑千餘字命周興嗣次韻東坡詩云已將鐵石充逸少公自注云法帖大王書中有殷

鐵石以賜八王武平一徐氏法書記

孔敬通

孔敬通梁大同中東宮學士創反左書又能一筆草書

一行一斷婉約流利特出天性項來莫有繼者庾元威

論書

蕭幾

蕭幾字德玄齊曲江公遙欣子也年十歲能屬文好學
善草隸書為新安太守

梁書本傳

蕭賁

蕭賁字文奐齊竟陵王子良之孫也

見畫
家傳能書善畫

史本傳

蕭駿

蕭駿字德款長沙王懿之孫也善草隸工文章位尚書

殿中郎起武將軍封南安侯

南史本傳

蕭挹

蕭挹梁尚書殿中郎智藏法師碑普通三年蕭繹撰銘
蕭幾作叙挹書世號三蕭碑其字畫麤醜可佳
歐陽修集

古錄

蕭挹雖不以書名世其小楷猶有鍾王遺範
東觀餘論

顏協

顏協字子和琅邪臨沂人也博涉羣書工於草隸飛白
時吳人范懷約能隸書協學其書殆過真也荆楚碑碣

皆協所書湘東王出鎮荊州以為記室

南史本傳

范懷約

范懷約吳郡人

述書賦注梁東宮侍書

能隸書

南史顏協傳

正書宜以殷鈞范懷約為主方正循紀修短合度庾元

威論書

王琛

王琛琅邪人工書梁天監中勅使張率抄乙部書又使撰古婦人事使琛與吳郡范懷約等寫給後宮

南史張

率傳

韋仲

韋仲京兆人善飛白在湘東王府為中兵參軍

南史顏

協傳

王融古今雜體六十四書湘東王遣沮陽令韋仲定為
九十一種功曹謝善勛增其九法合成百體書

庾元威

論書

謝善勛

謝善勛會稽人能為八體六文方寸千言為湘東王錄
事參軍飲酒至數斗醉後輒張眼大罵時謂之謝方眼
南史顏協傳

庾詵

庾詵字彥寶新野人也幼聰警篤學經史百家無不該
綜緯候書射棊弄機巧並一時之絕普通中詔為黃門
侍郎不起謚貞節先生南史本傳

張孝秀

張孝秀字文逸南陽宛人也徙居尋陽建安王召為別
駕去職居東林寺孝秀善談論工隸書凡諸藝能莫不
明習普通三年卒

南史本傳

劉慧斐

劉慧斐字宣文彭城人也少好學能屬文起家梁安成
王法曹行參軍後不仕居東林寺慧斐尤明釋典工篆
隸手寫佛經二千餘卷

南史本傳

庾元威

庾元威人梁其論書云余經為正階侯書十牒屏風作百

體間以采墨當時衆所驚異復於屏風上作雜體篆二

十四種太平御覽

王克

王克琅邪人梁尚書僕射今見草書四行述書賦注

王克行草品中之上韋續九品書人論

許璠

許璠梁武帝時人梁檀溪寺禪房碑天監十一年許璠正書

金石略

貝義淵

貝義淵

梁武帝時人

梁侍中司徒始興忠武王碑徐勉文貝

義淵書散騎常侍司空安成康王碑劉孝綽文貝義淵

書

江寧府志

劉靈

劉靈

梁武帝時人

梁改墮淚碑

大同十年重立羊祜碑

劉靈正書

金石略

程曠平

唐人書評作程廣

程曠平書如鴻鵠高飛弄翅頡頏

梁武帝評書

李巖之

李巖之書如鏤金素月屈玉自照

梁武帝評書

顏倩

顏倩書如貧家果實無妨可愛少乏珍羞

梁武帝評書

斛斯彥明

斛斯彥明品下之上評曰斛斯筆勢咸有由來

李嗣真

書後品

吳休尚

吳休尚書品中之中 庾肩吾書品

施方泰

施方泰書品中之中論曰施吳鄴下同年拔萃 庾肩吾

書品

王崇素

王崇素書品中之下論曰崇素繪靡篇書筆傳於里閭

庾肩吾書品

丁覲

丁覲善隸書時人云丁真永草

書斷

梁孝元前在荊州有丁覲者洪亭民爾頗善屬文殊工草隸孝元書記一皆使典之軍府輕賤多未之重恥令子弟以為楷法時云丁君十紙不敵王褒數字孝元嘗遺典籤惠編送文章示蕭祭酒祭酒問曰君王比賜書翰及寫詩筆殊為佳手姓名為誰那得都無聲聞編以實荅子雲嘆曰此人後生無比遂不為世所稱亦是奇

事於是聞者少復刮目稍仕至尚書儀曹郎末為晉安王侍讀隨王東下及西臺陷沒簡牘湮散丁亦尋卒於揚州前所輕者後思一紙不可得矣

顏氏家訓

王僧恕

王僧恕

梁人

吳延陵季子二碑梁王僧恕書

金石略

陳則

陳則梁人草書韻會

滿騫

滿騫富陽人押署如磐石卧虎

述書賦

唐懷充

唐懷充

述書賦注云晉昌人

王羲之破羌帖有唐懷充跋

寶章待

訪錄

沈熾文

姚懷珍

范胥祖

陳廷祖

沈熾文姚懷珍並武康人范胥祖順陽人陳廷祖長城

人述書賦注

梁武帝好圖書天監中勅朱异徐僧權唐懷充姚懷珍

沈熾文枅而裝之更加題檢

張懷瓘二王書錄東觀餘論云魏晉以來法書梁

御府藏之皆是沈熾文等題名於首尾紙縫間

楊法象 丁道矜

楊一作湯法象丁道矜舊刻洛神賦有普通三年正月徐

僧權楊法象滿騫丁道矜唐懷充等題名表泰家藏舊刻跋

孫文韜

道士孫文韜一名韜字文藏會稽郟縣人陶貞白弟子

也其書初學楊許後學大王殊有深分有所書九錫碑
及舊館壇碑在茅山書史會要

陳宣懋

陳宣懋錢塘人茅山華陽宮有陶隱居井歲久湮沒政
和初去地三尺許得瓦井闌雖破合之尚全環刻大字
梁天監三年八月十五日錢塘陳宣懋書江寧府志

杜道士

杜道士陶先生弟子作隸書假託許慎為名顏氏家訓

釋寶誌

釋寶誌者不知何許人

傳燈錄云金城人姓朱氏

齊宋之交稍顯靈

蹟梁武帝尤深敬事俗呼為誌公好為識記所謂誌公

符也天監十三年卒先是遇琅邪王筠與交言歡飲至

亡勅命筠為碑蓋先覺云

南史陶弘景傳

南唐元宗保大中伏龜山圮得石函中有銘云天監十四年秋八月葬寶公於是銘有引曰寶公常為偈大字書於版用帛罽之是時皆莫知其旨云在五百年後至

卒乃歸其銘同葬焉其字皆小篆體勢完具

吳淑江淮

異人錄

僧寶誌文字釋訓三十卷

唐書藝文志

陳

蔡景歷

蔡景歷字茂世濟陽考城人也少俊爽善尺牘工草隸
陳武帝素聞其名以書要之景歷對使答書筆不停輟
帝得書欽賞後至度支尚書禎明二年重贈侍中中撫

軍將軍謚忠敬

南史本傳

徐陵

徐陵字孝穆東海郟人也封建昌縣侯後主即位遷左

光祿大夫太子少傅贈特進

南史本傳

孝穆善正書

書小史

周弘讓

周弘讓汝南安城人也性簡素博學多通陳天嘉初以

白衣領太常卿光祿大夫

南史本傳

弘讓善隸書寫蔡邕勸學篇及古詩以遺文育

南史周

文育傳

侯安都

侯安都字成師始興曲江人也工隸書能鼓琴涉獵書傳為五言詩兼善騎射封桂陽郡公除征南大將軍江

州刺史

南史本傳

趙知禮

趙知禮字齊旦天水隴西人也涉獵文史善隸書高祖

引為書記知禮為文贍速每占授軍書下筆便就封始
平縣伯領前軍將軍贈侍中謚曰忠

陳書本傳

孫瑒

孫瑒字德璉吳郡吳人也博涉經史尤便書翰仕梁累
遷巴州刺史既而歸陳為五兵尚書領左軍將軍謚曰
桓

南史本傳

顧野王

顧野王字希馮吳郡吳人也幼好學長而徧觀經史蟲

篆奇字無所不通為黃門侍郎光祿卿贈祕書監右軍

將軍撰玉篇三十卷

南史本傳

野王能書畫

歷代名畫記

謝嘏

謝嘏字含茂陳郡陽夏人也風神清雅頗善屬文光大

元年遷中書令贈侍中謚光子

陳書本傳

嘏工行草書

書小史

庾持

庾持字允德潁川鄆陵人篤志好學尤善書記以才藝聞世祖為吳興太守持掌書翰光大中領步兵校尉贈光祿大夫持善字書屬辭好為奇字

陳書本傳

張正見

張正見字見頤清河東武城人也幼好學有清才年十三獻頌簡文深贊賞之高祖受禪累遷通直散騎侍郎

陳書本傳

張正見善行草書

書小史

張克見

張克見善行草

書史會要

蕭乾

蕭乾字思惕蘭陵人也祖寔齊豫章文獻王乾容止雅
正性恬簡善隸書得叔父子雲之法世祖授五兵尚書
謚靜子

陳書本傳

蕭引

蕭引字叔休南蘭陵人善隸書為當時所重高宗常披

奏事指引署名曰此字筆趣翩翩似鳥之欲飛引謝曰
此乃陛下假其毛羽耳後主即位為中庶子建康令

陳
書本傳

顧越

顧越字允南吳郡鹽官人也徧談經藝工綴文閑尺牘
陳廢帝即位拜散騎常侍中書舍人

南史本傳

陸繕

陸繕字士儒

一作
縑

吳郡吳人幼有志尚以雅正知名太

建中遷左僕射贈特進謚安子南史本傳

繕草字風度飄逸宣和書譜

沈君理

沈君理字仲倫吳興人也宣帝以君理女為皇太子妃
賜爵望蔡縣侯位侍中尚書右僕射贈開府儀同三司
謚貞憲南史本傳

仲倫書快速馳突尺題已終筆勢仍餘注今見草書一
紙述書賦

沈君理行隸品中之下 韋續九品書人論

毛喜

毛喜字伯武滎陽陽武人也少好學善草隸宣帝為驃騎將軍喜領中記室府朝文翰皆喜辭也封東昌縣侯至德中為南安內史 南史本傳

喜草隸落筆峻激略無滯思奔放超絕 宣和書譜

江總

江總字總持濟陽

一作南

考城人也幼聰敏及長博學有

辭采禎明二年進號中權將軍入隋為上開府

陳書本傳

總持作行草為時獨步以詞翰兼妙得名

宣和書譜

蔡凝

蔡凝字子居濟陽考城人美容止及長博涉經傳有文

詞尤工草隸陳後主嗣位為給事黃門侍郎尋遷信威

晉熙王府長史

南史本傳

蔡凝行書尤擅一時字畫秀潤可追步晉人

宣和書譜

謝貞

謝貞字元正陳郡陽夏人晉太傅安之九世孫也幼聰敏年十三善左氏春秋工草隸蟲篆再遷南平王友

南

史本傳

鄭佖

鄭佖失其世系官至東宮洗馬善草字慕鍾王法而得其旨喜用秃筆鋒藏韻古宣和書譜

伏知道

伏知道昌平人陳鎮北長史

述書賦注

知道善草書書小史

賀朗

賀朗會稽人陳祕書監述書賦注

朗善行書書小史

丁初

丁初陳宣帝時人宣帝於大極殿前鑄一鼎文曰忠烈常侍

丁初正書虞荔鼎錄

蔡聖

蔡聖陳人正及草行品中之下韋續九品書人論

王公幹

王公幹

陳人見草書韻會

釋洪偃

釋洪偃會稽山陰人善草隸見稱時俗織過芝葉媚極

銀鈎

釋宣續高僧傳

釋智永

釋智永

下黃私記云名法極俗姓王氏會稽人

右軍七世孫徽之之後也

與兄孝賓俱舍家入道俗號永禪師常居永欣寺閣上

臨書

國史異纂云智永於樓上學書業成方下

所退筆頭置大竹簾簾受一

石餘五簾皆滿凡三十年於閣上臨得真草千文八百

餘本浙東諸寺各施一本何延之蘭亭記

智永住永欣寺人來覓書并請題額者如市所居戶限為穿穴乃用鐵葉裹之謂為鐵門限又取筆頭瘞之號為退筆塚自製銘誌

尚書故實

智永遠祖逸少歷紀專精微尚有道之風半得右軍之

肉兼能諸體於草最優章草草書入妙隸書入能書斷

永字八法自崔張鍾王傳授所用該於萬字智永發其

旨趣授虞世南翰林禁經

智楷

智永兄

按智永兄考賓改名惠欣此另是一人

亦工草書斷

御定佩文齋書畫譜卷二十四



總校官庶吉士臣張能照

校對官檢討臣王鍾健

謄錄監生臣曹錫璜

欽定四庫全書叢要

子部

御定書畫譜卷二十五

六

欽定四庫全書薈要卷一萬一千三百五十七

子部

御定佩文齋書畫譜卷二十五

書家傳四

魏

崔宏



崔宏字玄伯清河東武城人祖悅父潛並以才學稱宏
少有雋才號冀州神童仕慕容垂為高陽內史明元時
拜天部大人進爵白馬公贈司空謚文貞

北史本傳

宏祖悅與盧諶博藝齊名世不替業故魏初重崔盧之書宏自非朝廷文誥四方書檄初不妄染故世無遺文尤善草隸為世模楷行狎特盡精巧而不見遺蹟北史

崔浩傳

崔浩

崔浩字伯深宏子也博覽經史明識天文好觀星變常置金銀銅鋌於酢器中令青夜有所見即以鋌畫紙作字以紀官至司徒總百揆浩工書人多託寫急就章從

少至老初不憚勞所書蓋以百數浩書體勢及其先人而巧妙不如也世寶其迹多裁割綴連以為模楷

北史

本傳

崔簡

崔簡字仲亮一名覽浩弟好學少以善書知名道武初歷中書侍郎爵五等侯參著作事

北史崔浩傳

崔衡

崔衡字伯玉清河人學崔浩書頗亦類焉天安元年擢

為內祕書中散班下詔命及所御覽書多其蹟也後除
秦州刺史徙爵齊郡公諡惠

北史崔浩傳

崔光

崔光清河人本名孝伯字長仁孝文賜名焉家貧好學
晝耕夜誦傭書以養父母明帝時遷車騎大將軍儀同
三司封平恩縣侯光表定石經令國子博士李郁助教
韓神固劉燮等勦校殘闕計料石功并字多少欲修補
之後寢贈太傅諡文宣

北史本傳

崔高客

崔高客清河人博學善文札美風流景明初拜散騎侍郎出為揚州開府掾帶陳留太守

魏書裴叔業傳

崔亮

崔亮字敬儒清河東武城人內徙為平齊人居貧傭書自業明帝時至尚書僕射贈儀同三司諡貞烈

北史本傳

張黎

張黎鴈門平原人也善書計官太尉

北史本傳

谷渾

谷渾字元沖昌黎人也道武時以善隸書為內侍左右

太武時累遷侍中儀曹尚書賜爵濮陽公諡文宣

北史

本傳

沈含馨

沈含馨

魏人

洛陽宮殿門題多是大篆皇都遷洛始令中

書舍人沈含馨以隸書書之

水經注

盧魯元

盧魯元昌黎徒河人也太武時以工書有文才累遷中書監賜爵襄城公後遷太保錄尚書事贈襄城王諡曰

孝

北史本傳

魯元善正隸書

書小史

黎廣

黎廣景熙從祖河間鄭人太武時尚書郎善古學常從吏部尚書清河崔宏受字義又從司徒崔浩學楷篆自

是世傳其法 北史黎景熙傳

江強

江強字文威陳留濟陽人也上書三十餘法各有體例

江式論書表云奉獻五世傳掌之書古篆八體之法拜中書博士卒贈燉煌太守

北史江式傳

江式

江式字法安

強之孫

少專家學篆體尤工洛京宮殿諸門板

題皆式書也延昌中表請撰集古今文字四十卷大體

依許氏說文為本上篆下隸正光中兼著作郎贈巴州

刺史

北史本傳

江順和

江順和式兄子官征虜將軍亦工篆書

北史江式傳

屈恒

屈恒字長生昌黎徒河人也少纂家業尤善書計賜爵
濟北公恭宗在東宮領太子少傅贈征西大將軍諡成

公

魏書本傳

高遵

高遵字世禮允從弟也渤海蓆人涉歷文史頗有筆札
詣長安刊燕宣王廟碑進爵安昌子孝文時為齊州刺
史

北史高允傳

盧伯源

魏書作盧淵字伯源北史避唐祖
諱故稱其字書小史作兩人誤

盧伯源小字陽烏范陽涿人也景明初卒於祕書監贈
幽州刺史復本爵固安伯諡曰懿六世祖謚法鍾繇書
子孫傳業伯源習家法代京宮殿皆其所題

北史盧玄

傳

崔挺

崔挺字雙根博陵安平人也以工書受勅於長安書文
明太后父燕宣王碑爵泰昌子為光州刺史風化大行

諡曰景

北史本傳

游明根

游明根字志遠廣平任人也幼為奴牧羊以漿壺倩人
書字路邊書地學之游雅贖之教書薦之太武為中書

學生獻文時封新泰侯後遷大鴻臚贈光祿大夫諡靖

侯

北史本傳

劉芳

劉芳字伯支

魏書作
伯文

彭城叢亭里人篤志文典傭書自

資常為諸僧傭寫經論筆迹稱善卷直一縑歲中能入
百餘匹芳博聞強記兼覽蒼雅漢世造三字石經於太
學學者文字不正多往質焉時號劉石經官至太常卿
撰急就篇續注音義證三卷贈徐州刺史諡文貞侯

北

史本傳

劉懋

劉懋字仲華芳從子聰敏好學博綜經史善草隸書識

奇字官太尉司馬諡宣簡

北史本傳

郭祚

郭祚字季祐太原晉陽人涉歷經史習崔浩之書尺牘

文章見稱於世宣武末年遷左僕射贈儀同三司諡文

貞

北史本傳

祚尤善行書

書小史

沈法會

沈法會兗州人能隸書宣武在東宮勅法會侍書

北史

江式傳

李思穆

李思穆字叔仁父抗自涼州渡江左仕宋思穆有度量

善談論工草隸為當時所談太和十七年歸魏爵樂平

伯卒於營州刺史贈安東將軍華州刺史

北史李延壽

敘傳

柳僧習

按北史柳僧習附見其子柳蚪傳書史會要因誤作蚪今正之

柳僧習河東

北史有解字

人善隸書肅宗時為潁川太守

魏地

書裴叔業傳

夏侯道遷

夏侯道遷譙國人也封濮陽縣侯歷覽書史閑習尺牘

歷華瀛二州刺史為政清嚴贈雍州刺史諡明侯

北史

本傳

庾道

魏書
作導

庾道潁川人亦與道遷俱入國歷覽史傳善草隸書後

為饒陽縣令

北史夏侯道遷傳

王世弼

王世弼京兆霸城人也善草隸書好愛墳典封慎縣伯
再遷中山內史加平北將軍諡曰康

北史本傳

王由

王由字茂道世弼次子好學有文才尤善草隸書又工

摹書

魏書作畫張彥遠
名畫記云善書畫

為時人所服位東萊太守

北史

王世弼傳

蔣少游

蔣少游樂安博昌人也寄平城以偏書為業後召為中

書寫書生至太常少卿贈龍驤將軍青州刺史謚曰質

北史本傳

少游敏慧機巧工書畫

歷代名畫記

李苗

李苗字子宣梓潼涪人孝昌中兼尚書左丞贈儀同三司河陽縣侯諡忠烈苗解鼓琴好文詠尺牘之敏當世罕及

魏書本傳

曹世表

曹世表字景昇一作升東魏郡魏人性雅正工尺牘涉獵

羣書孝昌中為東南道行臺贈齊州刺史

北史本傳

裴敬憲

裴敬憲字孝虞河東聞喜人學博才清工隸草解音律

五言之作獨擅於時贈中書侍郎諡曰文

北史本傳

呂溫

呂溫字晦陽本東平壽張人其先石勒時徙居幽州善書有文武才略位上黨太守有能名贈豫州刺史野王

侯諡曰敬

北史呂羅漢傳

沈嵩

沈嵩文秀族子吳興武康人聰敏有筆札文秀以為司

馬後依宋王劉昶

魏書沈文秀傳

嵩善行書 書小史

竇遵

竇遵瑾少子頓丘衛國人善楷篆北京諸碑及臺殿樓觀宮門題署多遵書位至濮陽太守後以善書拜庫部令 北史竇瑾傳

柳楷

柳楷字士則 魏書作孝則 河東解人也善草書頗涉文史位

撫軍司馬 北史柳崇傳

孫伯禮

孫伯禮，惠蔚子，武邑武遂人也。善隸書，位國子博士。

北

史孫惠蔚傳

劉仁之

劉仁之，字山靜，河南洛陽人。少有操尚，粗涉書史，真草書迹頗號工便。除衛將軍西兗州刺史，諡曰敬仁之。性好文字，吏書失體，便加鞭撻。

魏書本傳

宇文忠之

宇文忠之河南洛陽人也獵涉文史頗有筆札天平初除中書侍郎武定初為安南將軍尚書右丞

魏書本傳

忠之尤善行草

書小史

沈馥

沈馥

魏宣武時人

後魏定鼎碑景明三年沈馥正書一名御

射碑

金石略

李思弼

李思弼

魏人見草書韻會

釋摩羅

釋摩羅西域烏陽國人聰慧利根學窮釋氏至中國即
曉魏言隸書凡所聞見無不通解

洛陽伽藍記

釋菩提流支

釋菩提流支天竺國沙門也解佛義知名西土號為羅
漢曉魏言及隸書翻十地楞伽及諸經論流支讀比丘
曇謨最大乘義章彈指讚歎即為胡書寫之傳於西域
洛陽伽藍記

李氏

高慎妻李氏趙郡李徽伯女也豔且慧兼善書記工騎

乘

北史高乾傳

李彪女

李彪女幼而聰令彪教之書學讀誦經傳後宣武聞其名召為婕妤在宮嘗教帝妹書誦授經史後宮咸師宗之

北史李彪傳

北齊

杜弼

杜弼字輔玄中山曲陽人也長於筆札為時輩所推神武破芒山軍命為露布弼手即書絹曾不起草為膠州刺史贈驃騎大將軍諡文肅

北史本傳

李鉉

李鉉字寶鼎渤海南皮人也九歲入學書急就篇月餘便通齊神武妙簡碩學以教諸子與工書人韓毅等同在東館鉉以文字多乖謬遂覽說文倉雅刪正謬字名

曰字辯特贈廷尉少卿

北史本傳

張景仁

張景仁濟北人工草隸選補內書生與魏郡姚元標潁川韓毅同郡袁買奴滎陽李超等齊名後主愛之呼為博士除中書監贈侍中司空公景仁為兒時詣國學摹石經許子華遇之執手曰張郎風骨非但官爵還達乃與天子同筆硯後如子華所言

北史本傳

姚元標

姚元標

張景仁傳
云魏郡人

官至左光祿大夫以工書知名於時

北史崔浩傳

韓毅

韓毅魯郡

潁川人

以工書顯高祖置之第館教授諸子

北

齊書高祖本紀

索買奴 李超

索買奴濟北人李超滎陽人

見上張景仁傳

李繪

李繪字敬文趙郡平棘人六歲便求入學家人以偶年拘忌不許遂竊其姊筆牘用之未踰晦朔遂通急就章天保初除司徒右長史諡曰景

北史李渾傳

趙彥深

趙隱字彥深自云南陽宛人後為平原人避齊廟諱以字行性聰敏善書計初為尚書令司馬子如賤客供寫書子如善其無誤用為書令史補大丞相功曹參軍文翰多出其手號為敏給後封宜陽王武平四年轉司徒

北齊書本傳

劉逖

劉逖字子長彭城叢亭里人也少而聰敏專精讀書頗工詩詠世祖時拜儀同三司後除散騎常侍

北齊書本

傳

劉逖行草品下之下

韋續九品書人論

崔李舒

崔李舒字叔正博陵安平人性明敏涉獵經史長於尺

牘為左光祿大夫周武帝滅齊優贈開府儀同大將軍

定州刺史

北史本傳

蕭慨

蕭慨梁武帝弟鄱陽王恢之子也慨好學善草隸書卒

於司徒從事中郎

北齊書蕭退傳

源楷

源楷字邠延西平樂都人有器幹善草隸書官至假儀

同三司

北齊書源彪傳

賈德曹

賈德曹博陵人教樂陵王百年書

北史齊孝昭諸子傳

顏之推

顏之推字介琅邪临沂人也聰穎機悟博識有才辯工

尺牘兼善於文字監校繕寫處事勤敏除黃門侍郎周

大象時為御史上士隋開皇中太子召為文學

北齊書

本傳

顏之推注急就章一卷又筆墨法一卷

唐書藝文志

劉珉

劉珉字仲寶彭城人北齊三公郎中

唐書宰相世系表作北齊睢陽太守

今見草書十二紙

述書賦注

珉喜草隸遠追羲之頗得其法草書益勝

宣和書譜

劉玄平

劉玄平珉之子高蹈不仕隋贈貞範先生善行草書

書

小史

李元護

李元護遼東襄平人少有武力仕齊位馮翊太守頗覽
文史習於尺牘

書小史

元行恭

元行恭河南洛陽人美姿貌兼俊才善正行書位中書

舍人待詔文林館

書小史

殷英童

殷英童善楷隸書兼工畫

書小史

姚淑

姚淑

孝昭時人

北齊崇因寺碑皇建二年姚淑八分書

金石

略

王思誠

王思誠

後主時人

北齊蒙山碑天統五年王思誠八分書

金石

石略

釋仙

釋仙

文宣時人

摩崖報德碑天保六年釋仙書

金石表

釋道常

釋道常

武成時人

北齊關亮造像記河清元年比丘道常書

金石錄

魏夫人

魏夫人北齊人正行品下之下

年續九品書人論

周

冀儁

冀儁字僧儁太原陽邑人也性沈謹善隸書特工模寫
周文引為記室乃令偽為魏帝勅書與費也頭儁尋舊

勅模寫及代舍人主書等署與真無異費也頭見勅不
以為疑教明帝及宋獻公等隸書時俗入書學者亦行
束修之禮謂之謝章雋以書字所興起自倉頡若同常
俗未為合禮遂啓周文釋奠倉頡及先聖先師尋加開
府儀同三司爵樂昌侯

北史本傳

趙文深

本作文淵
避唐諱也

趙文深字德本南陽宛人也少學楷隸年十一獻書於
魏帝雅有鍾王之則筆勢可觀當時碑榜唯文深冀雋

而已周文帝以隸書紕繆命與黎季明沈遐等依說文及字林刊定六體成萬餘言及王褒入關貴遊翕然並學褒書文深亦改習褒書然竟無成至於碑榜王褒亦每推先之明帝令至江陵書影覆寺碑漢南人士亦以為工梁王蕭詧觀而美之賞遺甚厚天和元年露寢等初成文深以題榜之功除趙興郡守文深雖居外任每須題榜輒復追之

北史本傳

後周天和二年修西嶽碑趙文淵隸書當南北分爭之

時即此文章字畫足以見其景象

盛時泰玄牖記

黎景熙

黎景熙字李明河間鄭人從祖廣善古學家傳其法李明亦傳習之頗與許氏有異周文徵之令正定古今文字於東閣天和二年進車騎大將軍儀同三司

北史本傳

沈遐

沈遐

與趙文深黎景熙同時

周文帝以隸書紕繆命文深與黎景

明沈遐等依說文及字林判定六體

北史趙文深傳

泉元禮

泉元禮上洛豐陽人也少有志氣頗閑草隸有士君子之風爵臨洮縣伯襲洛州刺史

北史泉企傳

王褒

王褒字子深

周書作子淵

琅邪臨沂人七歲能屬文外祖索

昂愛之蕭子雲褒之姑夫也特善草隸褒少去來其家遂相模範名亞子雲梁元帝降褒至長安為少司空尋

為宣州刺史

北史本傳

王褒入關以書工崎嶇碑碣之間辛苦筆硯之役嘗悔

恨曰假使吾不知書可不至今日邪

顏氏家訓

庾信

庾信字子山南陽新野人父肩吾梁散騎常侍中書令
信為抄撰學士梁元帝時聘西魏遂留長安周孝閔帝
踐阼進爵義城縣侯拜洛州刺史

北史本傳

庾信善行書

書小史

庾信行及草品中之中

韋續九品書人論

蕭撝

蕭撝字智遐梁武帝弟安成王秀之子也周武帝時歷少保少傅改封蔡陽郡公諡曰襄撝善草隸書名亞王

褒

北史本傳

薛溫

薛溫字尼卿道衡兄河東汾陰人也博覽墳典尤善隸書仕周至燕都太守宣政元年賜爵齊安縣子

北史薛

道衡傳

薛慎

薛慎字伯護淮東汾陰人好學能屬文善草書封淮南

縣子保定初出為湖州刺史尋為蕃部中大夫

北史本

傳

柳弘

書史會要
作閻弘誤

柳弘字匡道河東解人少聰穎工草隸博涉羣書辭采

雅贍與楊素為莫逆交為御正下大夫贈晉州刺史

北

史本傳

裴漢

裴漢字仲霄河東聞喜人聰敏好學善尺牘天和五年
加車騎大將軍儀同三司借人異書必躬自錄本疾疔
彌年未嘗釋卷贈青州刺史

北史裴寬傳

單于斯彥

單于斯彥周人行草品下之下

韋續九品書人論

隋

楊素

楊素字處道弘農華陰人好學善屬文工草隸書隋受
禪加上柱國大業二年拜司徒改封楚公謚曰景武

史本傳

虞世基

虞世基字懋世會稽餘姚人也博學有高才兼善草隸
陳滅入隋貧無產業每傭書養親煬帝時進位金紫光
祿大夫

北史本傳

虞綽

虞綽字士裕會稽餘姚人也有俊才尤工草隸大業初
為祕書學士以度遼功授建節尉

北史本傳

虞綽行草品下之下

韋續九品書人論

盧昌衡

盧昌衡字子均小字龍子范陽涿郡人沈靖有才識博
涉經史工草行書隋大業中徵為太子左庶子

北史本

傳

薛道衡

薛道衡字玄卿河東汾陰人六歲而孤專精好學才名益著煬帝時終司隸大夫

北史本傳

道衡未聞以善書稱觀其和南正書一帖亦非泯泯衆人之筆

宣和書譜

隋爾朱敬碑開皇五年薛道衡書

朱長文墨池編

趙孝逸

趙孝逸湯陰人隋四門助教趙文深師右軍孝逸效大

令甚有功業當平涼之後王褒入國舉朝貴胄皆師於
褒唯此二人獨負二王之法臨二王之迹人間往往為
貨述書賦注

趙仲將

趙仲將彥深子平原人博涉羣書學草隸雖與弟書書
字楷正云草不可不解若施之於人即似相輕易若當
家卑幼又恐其謂所在宜爾是以必須隸筆隋開皇中
位吏部郎終於安州刺史

北齊書趙彥深傳

劉顗

劉顗字君卿遼從子彭城叢亭里人也好文學工草書
風儀甚美隋開皇中為鄜州司馬

北齊書劉遼傳

房彥謙

房彥謙

隋書云字孝沖

清河東武城人也大業中為涇陽令善

草隸人有得其尺牘者皆寶翫之貞觀中以子玄齡贈

徐州都督臨淄縣公諡定伯

北史本傳

蔡徵

蔡徵字希祥濟陽考城人陳中書令陳亡入長安久之
除太常丞歷尚書戶部儀曹郎轉給事郎

南史本傳

蔡徵草書筆力遒勁頗合規模

宣和書譜

袁憲

袁憲字德章陳郡陽夏人幼聰敏好學後主時為尚書
僕射入隋授昌州刺史謚曰簡

陳書本傳

袁憲善草書

書小史

閻毗

閻毗河陰人

隋書云榆林盛樂人

頗好經史能篆書草隸尤善為

當時之妙文帝受禪以技藝侍東宮煬帝時拜朝請大

夫又領將作少監贈殿內監

北史本傳

蔡君知

蔡君知

濟陽考城人邕十四代孫

隋蜀王府記室能楷隸為時所重

蔡希綜法書論

竇慶

竇慶扶風平陵人榮定次子襲封陳公有姿容頗工草

隸大業末為南郡太守

北史竇榮定傳

竇璡

竇璡慶弟亦工草隸位至扶風太守

北史竇榮定傳

殷曹

殷曹江南士人工草隸

隋書楊素傳

丁道護

丁道護官至襄州祭酒從事善正書

書小史

道護書兼後魏遺法隋唐之交善書者衆皆出一法道

護所得最多

蔡襄忠惠公集

道護書襄陽啓法興國寺碑最精歐虞之所自出北方

多樸而有隸體

墨池瑣錄

丁道真

丁道真善草

書史會要

史陵

史陵善正書筆法精妙不減歐虞

書小史

太宗與漢王元昌褚僕射遂良等皆受之於史陵褚首

師虞後又學史乃謂陵曰此法更不可教人是其妙處也

李嗣真書後品序

梁恭之

梁恭之開府中兵參軍盛工篆隸

孝子郭巨墓碑文

老子廟碑開皇三年薛道衡撰梁恭之八分金石錄

老子廟碑道衡文體卑弱余所取者特其字畫近古故

錄之

集古錄

龐賈

龐夔

書史會要作曾父誤

興福寺碑開皇二年龐夔書

金石略

韋霈

韋霈

隋文帝時人

廣業郡守鄭君碑開皇九年韋霈正書

金

石略

杜顥

杜顥南陽人開皇中搜訪異書召天下工書之士京兆韋霈南陽杜顥等於祕書內補續殘缺為正副二本藏於宮中其餘以實祕書內外之閣

隋書藝文志

到曼才 一作劉曼才一作到憲才並誤

到曼才

隋文帝時人

益州至貞觀碑開皇十二年到曼才正

書 金石錄

侯孝真 一作直

侯孝真

隋煬帝時人

藥州使君江夏徐公碑大業二年侯孝

直八分書 金石略

魏瑗

魏瑗

隋煬帝時人

姑蘇上方寺舍利塔銘魏瑗書

墨池編

賀混

賀混隋人行草品下之中

韋續九品書人論

吳少常

吳少常書遺教經

豐道生評書

釋智果

釋智果會稽人也居永興寺煬帝甚喜之工書銘石常謂永師云和尚得右軍肉智果得右軍骨果隸行草皆

入能書斷

智果書合處不減古人然時有僧氣

墨池瑣錄

釋述
釋特

釋述釋特與果並師智永述困於肥鈍特傷於瘦怯

書

斷

釋敬脫

釋敬脫善正書能用大筆寫方大字

金壺記云人有天求者唯止二字

然遒勁不加修飾當時謂之僧傑

書小史

釋知苑

釋知苑幽州沙門精練有學識隋大業中於西山鑿巖
為石室摩四壁以寫經又取方石別更摩寫藏諸室內
所造石經滿七室焉

冥報記

御定佩文齋書畫譜卷二十五